

**JAMHURI YA MUUNGANO WA TANZANIA  
WIZARA YA MAWASILIANO NA TEKNOLOJIA YA HABARI  
SHIRIKA LA POSTA TANZANIA**



**TOLEO MAALUM LA  
UZINDUZI WA VITUO VYA  
HUDUMA PAMOJA**

**06.Septemba 2021**

# MAJALIWA AZITAKA TAASISI ZA SERIKALI KUJIUNGA NA KUTUMIA HUDUMA PAMOJA

## UTANGULIZI



Waziri Mkuu wa Jamhuri ya Muungano wa Tanzania Mhe. Kassim Majaliwa Majaliwa amezielekeza taasisi zinazotoa huduma za Serikali kwa wananchi kuongeza kasi ya kijiunga na kutumia Huduma Pamoja iliyopo ndani ya Shirika la Posta Tanzania.

Hayo ameyasema siku ya jumatatu tarehe 6, Septemba 2021 wakati akizungumza na viongozi mbalimbali na wananchi waliohuduria uzinduzi wa vituo vya Huduma Pamoja utakayo jumuisha taasisi mbalimbali za Serikali ili kutoa huduma zake ndani ya ofisi za Shirika la Posta nchi nzima.

Akizungumzia huduma hiyo, Mhe. Majaliwa alisema kuwa Huduma Pamoja ni sehemu ya utekelezaji wa mkakati wa Serikali ambapo lengo kuu ni kuweka mazingira rahisi na wezeshi kwa wananchi kupata huduma zote za Serikali ndani ya eneo moja na kwa muda mfupi.

"Maendeleo katika Sekta ya Mawasiliano yameongezeka na kuanzhishwa kwa huduma hii kutasaidia kupunguza msongamano na usumbufu kwa wananchi na kufika mwaka 2025 tunaamini mageuzi haya yatakuwa katika vituo vyote 350 vya Shirika la Posta nchini, "amesema.



Aidha, Mhe. Majaliwa ameipongeza Wizara ya Mawasiliano na Teknolojia ya Habari chini ya uongozi wa Waziri wake Mhe. Dkt. Faustine Ndugulile na Katibu Mkuu, Dkt. Zainab Chaula kwa juhudi na usimamizi mahiri wa taasisi za mawasiliano ikiwemo Shirika la Posta nchini hata kupelekea utekelezaji wa mradi wa kitaifa wa Serikali wa Huduma Pamoja wenyе lengo la kuweka mazingira rahisi na wezeshi kwa wananchi kupata huduma zote za Serikali katika jengo moja.

Ameeleza kuwa Serikali inaendelea kufanya maboresho mbalimbali ikiwa ni pamoja na mapitio ya sera na sheria za Posta ili kuendana na mahitaji ya soko na matarajio ya wananchi lengo likiwa ni kuhakikisha kuwa mageuzi yanayofanyika katika Sekta ya Mawasiliano nchini yanakuwa na tija katika utoaji huduma hususan huduma za posta.

## UZINDUZI WA VITUO VYA HUDUMA PA

MAJALIWA MAJALIWA (MB) WAZIRI MKUU WA JAMHURI YA TANZANIA  
OFISI KUU YA POSTA, DAR ES SALAAM - 6 SEPTEMBER 2021



Pia, Waziri Mkoo amemtaka Mhe. Dkt. Ndugulile kama msimamizi wa mradi huo kupitia Wizara yake kuongeza kasi ya utekelezaji ili kuharakisha utatuzi wa changamoto zinazowakabili wananchi katika kupata huduma za Serikali na kuhamasisha ubunifu na utafiti katika Sekta ya Posta na TEHAMA ili kuleta mapinduzi ya bidhaa na huduma kwa maisha bora ya wananchi.

Sambamba na hilo, Mhe. Waziri Mkoo amelitaka Shirika hilo kutumia fursa hiyo kusimamia uendeshaji wa huduma zote za pamoja zinazotolewa kupitia Ofisi zake kuwa zinatolewa kwa weledi na ufanisi ili kuepuka kuwa na malalamiko kutoka kwa wananchi juu ya upatikanaji wa huduma hizo katika hatua za mwanzo za uanzishwaji wa huduma hii.

Katika hatua nyingine, Waziri Mkoo amempungeza Dkt. Faustine Ndugulile kwa kuweza kuipeperusha vyema bendera ya Tanzania duniani kupitia Shirika la Posta Tanzania kufuatia kushinda nafasi mbili kwa Tanzania kuwa mjumbe wa Baraza la Utawala na Baraza la Uendeshaji la Umoja wa Posta Duniani katika chaguzi zilizofanyika katika Mkutano Mkoo wa 27 wa Umoja wa Posta Duniani nchini Ivory Coast mwezi Agosti, 2021.

Mhe. Majaliwa ameielekeza Ofisi ya Rais, Menejimenti ya Utumishi wa Umma na Utawala Bora ambacho ni chombo kinachosimamia utoaji wa huduma za Serikali kuhakikisha taasisi zote zinazotoa huduma za Serikali katika vituo vya Huduma Pamoja mpaka ifikapo mwaka 2022 ziwe zimejiunga na Huduma Pamoja ili kukidhi matarajio ya Serikali kwenye utoaji wa huduma kwa wananchi wake.

Pia, ametoa maelekezo kwa Wizara zote nchini zinazosimamia taasisi zinazotoa huduma kwa wananchi kuhakikisha taasisi hizo zinajiunga na kutumia Huduma Pamoja na kuanza kutoa huduma zake katika vituo vya Huduma Pamoja ili

Naye Waziri wa Mawasiliano na Teknolojia ya Habari Dkt. Faustine Ndugulile ameielezea kuridhishwa kwake na kasi ya utendaji wa Shirika hilo na kupongeza jitihada na juhudzi zinazofanywa na Kaimu Postamasta Mkoo bwana Macrice Mbodo kwa kulifanya Shirika hilo kuwa posta ya kisasa.

Aidha, ameishukuru Serikali ya Jamhuri ya Muungano wa Tanzania chini ya uongozi wa Rais Mhe. Samia Suluhu Hassan kwa kuipatia Shirika hilo shilingi bilioni 3.9 ambazo zilitumiwa na Shirika hilo kulipa wastaa fuwa liliyokuwa Shirika la Posta na Simu la Afrika Mashariki na kuahidi kuzielekeza fedha hizo kuifanya Posta ya kidijitali kwa kununua nyenzo zitakazoongeza kasi ya utendaji ya Shirika la Posta nchini.

Dkt. Ndugulile alieleza kuwa mkakati wa Wizara yake ni kujikita katika kulifanya Shirika la Posta kuwa kitovu cha Biashara Mtandao duniani kwani Posta ina mtandao mpana ambaa unaunganisha posta zaidi ya 600,000 duniani utakaowezesha wajasiriamali kuuza bidhaa zao mahali popote duniani.

"Tunataka Shirika letu la Posta liwe kitovu cha biashara mtandao kwani tunafahamu uaminifu umekuwa ni changamoto sana lakini kupitia Shirika letu la Posta tunataka kujenga uaminifu huo ili kila mwananchi anufaikie na duka hili."





**N**aye Mwenyekiti wa Kamati ya Kudumu ya Bunge ya Miundombinu Selemani Kakoso ameishukuru Serikali kwa kuliwezesha Shirika la Posta nchini kuanzisha huduma hii na ametoa wito kwa watumishi wa umma kuhakikisha wanafanya kazi kwa weledi pamoja na kufuata taratibu za utumishi wa umma ili kutoa huduma bora kwa wananchi

Kwa upande wake Kaimu Postamasta Mkuu wa Shirika hilo Macrice Daniel Mbodo amesema bado Shirika linaendelea kuboresha huduma na kwa sasa linaendelea kutengeneza faida na kwa mwaka wa fedha ulioisha limeingiza faida ya shilingi bilioni 3 na mabadiliko ya mfumo wa kidijitali yataenda kwa awamu tatu ambapo kufikia Desemba 2022 mikoa 10 itakuwa imepata huduma pamoja kwa ofisi zote za Serikali kuwa katika ofisi moja.

"Tunaanza na mkoa wa Dar es Salaam na Dodoma, tutaenda Mwanza, Kigoma, Arusha, Mbeya, Zanzibar, Mjini Magharibi, Chakechake Pemba, Lindi, Tanga na Morogoro na awamu ya pili itaanzia mwaka 2023/24 na itakuwa katika mikoa ya Pwani, Iringa, Rukwa, Ruvuma, Kilimanjaro, Tabora, Mara, Kagera, Shinyanga, Lindi, Simiyu, Mtwara, Manyara, Songwe, Katavi, Njombe na Geita," amesema Mbodo

Aidha, ameongeza na kusema kufikia Desemba 2025 Shirika la Posta limejidhatiti kufikisha Huduma Pamoja kwa ngazi ya Wilaya ili kuwafikia wananchi wengi zaidi.

Naye Katibu Mkuu wa Umoja wa Posta Afrika bwana Sifundo Chief Moyo ameipongeza Serikali ya Tanzania kwa kuendelea kuboresha Sekta ya Posta nchini kwani maboresho hayo yatachochea maendeleo katika Taifa hasa katika kipindi hiki cha maendeleo ya Teknolojia ya Habari na Mawasiliano (TEHAMA). Pia, ameihekikishia Serikali ya Tanzania ushirikiano wa kutosha katika kuifanya Sekta ya Posta kuwa ya kidijitali.

Baadhi ya taasisi za Serikalj ambazo zinatoa huduma ndani ya Shirika la Posta ni NSSF, PSSF, RITA, NIDA, BRELLA, TRA, Halmashauri ya Jiji la Dar es Salaam, Halmashauri ya Jiji la Dodoma, CRDB na NHIF.



**N**aibu Katibu Mkuu wa Wizara ya Mawasiliano na Teknolojia ya Habari, Dkt. Jim Yonazi (wa tatu kulia), akimkaribisha Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) alipowasili kuzindua Huduma Pamoja kwenye viwanja vya Posta kuu, Jijini Dar es Salaam.



**W**aziri wa Mawasiliano na Teknolojia ya Habari, Mhe. Dkt. Faustine Ndugulile akizungumza mbele ya Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) (hayupo pichani) kabla ya uzinduzi Huduma Pamoja kwenye viwanja vya Posta kuu, Jijini Dar es Salaam.



**K**aimu Postamasta Mkuu wa Shirika la Posta Tanzania, Macrice Daniel Mbodo akimkaribisha Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) alipowasili kuzindua Huduma Pamoja kwenye viwanja vya Posta Kuu, Jijini Dar es Salaam.



**M**kurugenzi Mkuu wa Mfuko wa Bima ya Afya, Bernard Konga akitoa taarifa kwa Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa(Mb) kuhusu huduma za taasisi hiyo ndani ya kituo cha huduma pamoja ndani ya Ofisi ya Posta Kuu, Jijini Dar es Salaam.





**W**aziri Mkoo wa Jamhuri ya Muungano wa Tanzania, Mhe. Kassim Majaliwa Majaliwa (Mb), akizindua Vituo vya Huduma Pamoja kwenye viwanja vya Posta Kuu, Jijini Dar es Salaam.

**K**atibu Mkoo wa Wizara ya Mawasiliano na Teknolojia ya Habari, Dkt. Zainab Chaula akimkaribisha Waziri Mkoo wa Jamhuri ya Muungano wa Tanzania, Mhe. Kassim Majaliwa Majaliwa (Mb) alipowasili kuzindua Huduma Pamoja. Wa pili kulia ni Naibu Katibu Mkoo wa Wizara hiyo, Dkt. Jim Yonazi na wa nne kushoto ni Mwenyekiti wa Kamati ya Kudumu ya Bunge ya Miundombinu, Selemiani Kakoso.



**N**aibu Katibu Mkoo wa Wizara ya Mawasiliano na Teknolojia ya Habari, Dkt. Jim Yonazi akizungumza na Waziri wa Wizara hiyo, Mhe. Dkt. Faustine Ndugulile (Mb) wakati wakimsubiri kumpokea Waziri Mkoo wa Jamhuri ya Muungano wa Tanzania, Mhe. Kassim Majaliwa Majaliwa kuzindua Huduma Pamoja kwenye viwanja vya Posta Kuu, Jijini Dar es Salaam.

**W**aziri wa Mawasiliano na Teknolojia ya Habari, Mhe. Dkt. Faustine Ndugulile (Mb) (mwenye barakoa nyeusi) akimpokea Waziri Mkoo wa Jamhuri ya Muungano wa Tanzania, Mhe. Kassim Majaliwa Majaliwa (Mb) alipowasili kuzindua Huduma Pamoja kwenye viwanja vya Posta Kuu, Jijini Dar es Salaam.



**K**aimu Postamasta Mkuu wa Shirika la Posta Tanzania, Macrice Daniel Mbodo (Kulia) akiambatana na Waziri wa Mawasiliano na Teknolojia ya Habari, Mhe. Dkt. Faustine Ndugulile (Mb) (katikati) na Prof. Palamagamba Kabudi (Kushoto), Waziri wa Katiba na Sheria wakielekea eneo la uzinduzi wa Huduma Pamoja kwenye viwanja vya Posta kuu, Jijini Dar es Salaam.



**K**aimu Postamasta Mkuu wa Shirika la Posta Tanzania, Macrice Daniel Mbodo akitoa taarifa kuhusu vituo vya huduma pamoja kabla Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) hajazinduzia vituo hivyo kwenye viwanja vya Posta Kuu, Jijini Dar es Salaam.



**K**aimu Postamasta Mkuu wa Shirika la Posta Tanzania, Macrice Daniel Mbodo akitoa taarifa kuhusu vituo vya huduma pamoja kabla Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) hajazinduzia vituo hivyo kwenye viwanja vya Posta kuu, jijini Dar es Salaam.

**W**aziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) akipata maelezo kutoka kwa Gloria Oshudada, Msimamizi wa Huduma kwa Wateja wa Shirika la Posta Tanzania kuhusu Huduma Pamoja ndani ya Ofisi ya Posta Kuu, Jijiji Dar es Salaam.



**K**atibu Mkuu wa Wizara ya Mawasiliano na Teknolojia ya Habari, Dkt. Zainab Chaula akitambulisha viongozi mbali mbali mbele ya Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) alipowasili kuzindua Huduma Pamoja kwenye viwanja vya Posta kuu, Jijini Dar es Salaam



**M**wenyekiti wa CCM Mkoa wa Dar es Salaam, Kate Kamba (Kulia) na Msemaji Mkuu wa Serikali, Gerson Msigwa (Kushoto) wakimsikiliza Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) (hayupo pichani) akihutubia kabla ya uzinduzi wa Huduma Pamoja kwenye viwanja vya Posta Kuu, Jijini Dar es Salaam.



**V**iongozi wa Dini wa Mkoa wa Dar es Salaam wakimsikiliza Waziri Mkuu wa Jamhuri ya Muungano wa Tanzania, Mhe. Kassim Majaliwa Majaliwa (Mb) (hayupo pichani) akihutubia kabla ya uzinduzi wa Huduma Pamoja kwenye viwanja vya Posta kuu, Jijini Dar es Salaam.

## MATUKIO KWA PICHA



## MATUKIO KWA PICHA



## MATUKIO KWA PICHA



TEKNOLOJIA YA HARABI  
HUDUMA PAMOJA



**Posta**

*Let's Go!*



**Imeandaliwa na  
Kitengo cha Mawasiliano,  
Shirika la Posta Tanzania.**